



Estadus Unidus ofere se fundu adisional \$500,000 ba Timor-Leste

hodi luta hasoru COVID-19

DILI, TIMOR-LESTE —Estadus Unidus investe rihun atus lima ba iha UNICEF hodi prevene COVID-19 iha Timor-Leste, Embaixadora Estadus Unidus Kathleen Fitzpatrick, USAID nia Diretór Misaun Jim Wright no UNICEF nia Country Representative Valérie Taton hatete apresenta apoiu finasiamentu ne'e ba Diretora Jerál Ministériu Saúde, Dra. Odete da Silva Viegas.

Ho aumentu apoiu financiamentu ne'e, total apoiu Estadus Unidus nian ba Timor-Leste nia programa prevensaun COVID-19 hamutuk millaun \$1.6 husi inisiu apoiu \$1.1 millaun.

Kontribuisaun Estadus Unidus nian ne'e mai husi fundu Ajénsia Estadus Unidus ba Dezenvolvimentu Internasionál (USAID) ba prevensaun no responde ba COVID-19. Fundu ne'e sei uza ba kampaña informasaun, interasaun komunitária, kontrolu infesaun no fornimentu be'e no saneamentu iha postu saude sira iha munisípiu balun.

“Tjiene ne'ebé di'ak ne'e importante tebes iha situasaun saida de'it espesiálmente bainhira luta hasoru COVID-19,” hatete Embaixadora EUA Fitzpatrick. “Fundu ne'e sei ajuda UNICEF garante postu saúde sira iha Timor-Leste bele fornese bee moos no saneamentu ne'ebé própriu ba sira nia comunidade. Estadus Unidus orgullu hodi lidera mundu luta hasoru pandémia ne'e no kontente ho parseria hamutuk ho UNICEF no Ministériu da Saúde ba luta ida ne'e iha Timor-Leste.”

Pandémia COVID-19 hanesan perturbasaun bo'ot iha moris labarik no sira nia família iha Timor-Leste,” hatete UNICEF nia Representativu Valérie Taton. “UNICEF hare parseria ho USAID nudar oportunidade dia'k tebes ba hare impaktu husi pandémia ne'e, nomos servisu iha sistema ida ne'ebé bele benefisia labarik no nia familia ba tempu ne'ebé naruk.”

Ho apoiu husi Estadus Unidus, UNICEF implementa estratéjia hodi kontinua prevene COVID-19 liu husi kampaña informasaun ba comunidade sira, hadi'a bee no saneamentu no fornese ekipamentu ne'ebé nesesáriu ba iha postu saude, no uza baze de dadus hodi hadiak servisu saude hodi responde ba COVID-19. Servisu ne'e sei hala'o iha comunidade no postu saúde iha munisípiu Baucau, Covalima, Dili, Ermera, no Manatuto.

Estadus Unidus kontribui ona millaun ida pontu neen ba Timor-Leste hodi luta hasoru COVID-19. Servisu liu husi organizaun oi-oin, inklui USAID nia Projetu Hakbi'it Servisu Saúde Báziku no UNICEF, osan ne'e hodi ajuda governu prepara sistema laboratóriu, deteta kazu, apoiu assisténsia espertu tékniku, risku komunikaun, no prevene tranzmisaun COVID-19 liu husi programa sira seluk.

USAID, servisu hamutuk iha parseiru ho Governu Timor-Leste hodi apoiu baze ne'ebé luan no dezenvolvimentu ne'ebé efetivu. Dezde tinan 2002, USAID fornese besik millaun atus lima haat nulu resin rua iha assisténsia dezenvolvimentu ba Timor-Leste. USAID apoiu Timor-Leste nia esforsu hodi harii nasaun ne'ebé demokrátiku, saudavel no próspere liu husi programa ne'ebé mak haforsa kreximentu ekonomia ne'ebé inkluzivu no sustentável, espesiálmente iha setór agrikultura no turizmu; hadi'a saúde povu Timor-Leste nian, partikularmente feto no labarik; no haforsa fundasaun ba boa governasaun – area hotu ne'ebé mak marka iha Timor-Leste nia Planu Estratéjia Dezenvolvimentu 2013-2030. Atu hatene liu tan, vizita: www.usaid.gov/timor-leste.